

Meje Po Carte Pablo Tatina, Filipos Tomarapiwi Tatinatsi

Meje poxonae Pablo tamropata pitaba xua tatina, Filipos tomarapiwi tatinatsi

¹ Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomonae jinompa Filipos tomaratha. Patatinanbe daxita pomonae Cristo Jesús pejume cowantsiwichi, pomonae yatsicaewa Nacom piamonae tatsi. Matautano iru patatinanbe pomonae pecanamataxeinaewi pejume cowantsi jiwi. Matautano iru patatinanbe pomonae peyawenaewi pejume cowantsi jiwitha, poxonae yawena peatenewitha, xuano xua poxonae apata pexaewa peacopeibiwitha. Barapomonae Nacom piamonae tatsi, yawa barapomonae caemona naexana Cristo Jesustha. ² Barabu Nacom, pon Waxa, amanaya paca yawenaena painya pia paca necaantobexae, yawa xua juntea jinompa paca exanaena. Iru barabu Jesucristo pon jiwi Pecanamataxeinaein baxua pacata exanaena.

Meje yabara poxonae Pablo tawuca Nacomtha pomonae Nacom pejume cowantsiwi

³ Poxonae paca yabara nanta xeineibatsi Tanacom tsipaebeiban paxam yabara. Jan tsaibinje: “Nacom juntu coyene weiweinan

xua barapomonaē betiya necatsita dubenanaē-biyaexae”, jan tsaibin. ⁴ Poxonae Nacom pacata w_hqueibatsi bichocono j_hnt_h coyene weiweinaeya pacata w_hqueibatsi xua daxita paxam. ⁵ Nacomtha yabara tsipaeban xua paxam tapana nebar_h nacuichiawam Nacom Pejume Diwesi xua poxonae aena pajume cow_hntame xua beya anoxuae. ⁶ Bara xaniwaicha yaputan xua Nacom tamropata pitaba xua xanepanaya beta paca cana j_hnt_h coyene exana. Baxua Nacom paca cana j_hnt_h coyene exana ducuaenaēbiyaena beya poxonae Nacom xanepanaya paca cana j_hnt_h coyene wetsina poxonae po mataqueitha Jesucristo patopaetsica. ⁷ Baxua jame inta xanepana xua tapaca yabara nanta xeinaewatsi, tsipei bichocono paca antobetsi. Poxonae bequein anoxuae jiwī pec_hbi botha neeta, yawano poxonae bequein caena bayatha pecapanenebiyae diwesi jume yabara jume yawenaeya cueicueijan jiwitha, yawano xua jiwitha tsita itapeinya xeinan xua barapo diwesi bara pexainyei diwesi jume, bapoxonae bara pana nebar_h atenem. Daxota poxonae Nacom amanaya neyawena poxonae atene neexana ichamonae pia taneantobexae Nacom, ir_h Nacom amanaya paca yawena pia paca necaantobexae poxonae paca atene exana ichamonae. ⁸ Nacom yaputane xua bichocono bara paca antobetsi daxita paxam, icha Jesucristo ichi xua daxita paca antobe. ⁹ Yawano Nacom paca tsiw_hcatsi xua equeicha matowa mataropeicha painya nepaca catsinexa peantobewa. Yawa muxuna

wɛɕan xua Nacom paca cana exanaena xua painya neyabara yaputaewa daxita coyenewan. Mataɛtano muxuna wɛɕan xua Nacom paca cana exanaena xua painya neitapetsiwa pocotsi coyene xua betiya paca cana exanaena. ¹⁰ Baroxonae payaputaename xua itapetsiya paexanaename pocotsi coyene bichocono xanepana. Baroxonae bichocono pajɛntɛ coyene xanepanaya jinompaename. Yawano poxonae Cristo patopaetsica bapon jopa paca yabara paebi tsane xua panatsicuentame abe painya neexanaewan. ¹¹ Paca tsiwɛɕatsino xua Jesucristo paca necajɛntɛ coyene yɛɕa exanaenexa, xua po jɛntɛ coyene bichocono xanepana, xua daxota painya neexanaenexa pocotsiwa xua bichocono Nacom tsita xanepanatsi. Poxonae jiwi baxua paca cui taena baroxonae jiwi Nacom wɛnae jaintsinchi jei tsane: “Maisa Nacom paca barɛ cui itura jinatsi, xua jinya neexanaexae barapo jiwi pia jɛntɛ coyenetha tatsi”, jei tsane barapo jiwi.

Meje poxonae Pablo namchi: “Xua tapoponae coyenewa bara apara Cristo nexa”, jei

¹² Tamonae pam, pomonae irɛ painya nejume cowɛntsixaes Jesús, ichichipan xua painya neyaputaewa tsane xua po coyene poxonae necana exana ichamonae xua jiwi pecɛbi botha neeta tayabara cueicueijeixae Jesucristo. Baxua tana necana exanaexae ichamonae jiwi tajɛ jume tane Nacom pia pecapanenebiyae diwesi jume tatsi. ¹³ Daxota daxita soldadomonae pomonae xote umene pomonae peyapu eenaewi pepa pentacaponaein pia bo tatsi irɛrɛ seicayano ichamon-

aerũ, daxita barapomonaē yaputane xua xan jiwi pecũbi botha neeta tapaebi ducuaanaebiyaexae Cristo nexa. ¹⁴ Pin bicheito, pomonaē pejume cowantsiwi Nacom, barapomonaē netane xua jiwi pecũbi botha ecan. Daxota barapomonaē bichocono ichichipa xua pecueicueijeīwa Nacom Pejume Diwesi. Barapomonaē jopa junuwiyo xua cui tsacatsacapiya pecueicueijeīwa Nacom Pejume Diwesi, tsipei bichocono jume cowantatsi pon jiwi Pecanamataxeinaein.

¹⁵ Ichamonaē Cristo yabara cueicueijeichi apara poxoru saya tana neuwixae, tsipei ichichipa xua jiwi barũ cui itura jinaena barapomonaetha, beyacaincha xua tana nebarũ cui itura jinaewa tsane barapo jiwi. Ichitha jame, ichamonaē beta xaniwaicha yabara paebatsi Cristo, pejũntũ coyene xanepanaexae.

¹⁶ Barapomonaē baxua exana taneantobexae peyaputaexae xua jiwi pecũbi botha ecan tayabara jume yawenaeya cueicueijeixae Cristo pia pexeinya jume diwesi tatsi poxonaē ichamonaē abe yabara paeba barapo diwesi.

¹⁷ Pomonaē Cristo yabara paebatsi tana neuwixae, saya apara poxoru peasiwixae xua ichamonaē tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiwi pecũbi botha.

¹⁸ Bequein jiwi Cristo xainyeya yabara paebatsi poxoru tana neantobexae, ichacuitha metha tsipae poxoru tana neuwixae baxuan bapana jopa netsita ainya cuiyiyo. Saya jame poxonaē ba jiwi Cristo yabara paebatsi, baxua ba jame bichocono nejũntũ coyene weiweina exana.

19 Yawa equeicha bichocono nejuntꝯ coyene weiweina exanaponaena, tsipei yaputan xua painta wꝯcame nawita Nacomtha. Yawa yaputan xua Jesucristo pia Pejumope tꝯnaxꝯ tatsi neyawena, pebaxuaxaebe bara Nacom necapanepaena pomonae tana neaitafaetabi jiwī weya. 20 Pocotsiwa xua taichichipaewa yawano pocotsiwa xua tawꝯnae ewatsiwa, xua bapana jopa tacoutha naacauran tsane tajunuwixae xua tayabara cueicueijeīwa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiwī beta jume cowꝯntsina xua poxonae netane xua beta tapoponaewa Cristo nexa. Bapoxonae jiwī Cristo barꝯ cui itura jinaeinchi poxonae necui taena xua beta xanepanaya poponan Cristo nexa. Baxua jiwī exanaena poxonae bequein asꝯ poponaethan tsane, xua Cristo tatsita poponaewa yawa poxonae bequein tꝯpaethan tsane xua Jesucristo tayabara cueicueijeixae. 21 Jame pocotsiwa netsita xanepana apara xua jiwī Cristo barꝯ cui itura jinatsi, xua Cristo tatsita poponaewaxae. Ichitha icha tꝯpaein Cristo taein, baxua netsita xanepana bichocono, beyacaincha xua poxonae abꝯ cataunxuae poponan, tsipei Cristo taein. 22 Awiya cataunxuae poponan daxota neitacꝯpa xua awiya tanacuichiwa pocotsiwa pexanepanae coyenewa pon jiwī Pecanamataxeinaein nexa. Jopa yaputaeinyo xua barapo naxobe coyenewabe jiwana itapetocuaein. 23 Inta bichocono ayapube xua barapo naxobe coyenewabe jiwana itapetan. Ichacuitha saya betꝯpaein xua tapoponaenexa

tsane ichaxota Cristo popona, tsipei baxua jame inta bichocono xanepana. ²⁴ Daichitha ichacuitha jame bichocono inta ainya cui xua awiya tapoponaewa tapaca cayawenaenexatsi. ²⁵ Ichitha yaputan bara, xua awiya poponan xua tapaca yawenaenexatsi xua awiya painya nejume cowanta dubenanaebiyaenexa Cristo. Matautano yaputan xua bichocono equeicha matowa painya nejuntũ coyene weiweina tsoponaenexa tsane. ²⁶ Daxota poxonae paca siwa ponaeinchi Cristo Jesús wanae pajainchiname xua equeicha tapaca casiwa ponaexaetsi tsainchi.

²⁷ Saya beta xanepanaya painompare wanaca itorobixae Cristo pejume diwesi tatsitha. Daxota icha bequein paca siwa ponaeinchi, ichacuitha icha tajũ ecan, maisa ichichipan xua ichũn yabara benetsipaebina xua beta painya nejinompaewa. Bejume taein xua xanepanaya beta ajuntũyapustusya pajume cowanta dubenanaebiyame Nacom. Matautano bejume taein xua caemonae peburũya jume daunweya pana nabarũ cueicueijam painya nejume cowantsiwa Cristo. ²⁸ Jopa pajunuwinde poxonae imoxoyo abe paca exaneiba painya nepaca caaitafaetabi jiwi. Baxuan barapomonae exana be tsita itapeinya xeina xua barapomonae weraweracaena xua poxonae po mataqueitha poxonae Nacom yabara paebina jiwi xua penatsicuentiwa abe peexanaexae xua irũ Nacom paca capanenebiyaena barapo mataqueitha. ²⁹ Nacom pexeinya coyene paca cata painya netanacuichinexa Cristo xua poxonae pajume cowantame bapon, matautano xua

poxonae ichamonae paca atene exana poxonae ichamonae abe paca yabara paeba painya nejume cowantsixae bapon. ³⁰ Waxainchi bara nanta jupaya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxonae bayatha pana netaneme xua poxonae jume daunweya paeban Nacom Pejume Diwesi, matauta xua poxonae bara pana neyabara jume taneme xua awiya cataunxuae exanaponan barapo coyeneya.

2

Meje yabara xua Cristo peacopeibin pia coutha naexana, xua jopra peainya cui jitonyo

¹ Payaputaneme xua Cristo paca juntu coyene tsacaba xua beta painya nejinompaenexa. Matautano payaputaneme xua Cristo paca matateica pia painya nepaca caantobexae poxonae ichamonae abe pacata exana. Matautano payaputaneme xua Nacom pia Pejumope tanahe tatsi paca baru jinompa. Matautano payaputaneme xua bapon paca antobe. Matautano payaputaneme xua Cristo nantanuweya paca yabara nanta xeina pia paca necayawenaenexa. ² Icha daxita barapo pexainyei coyenein payaputaneme, bichocono pana nejuntu coyene weiweina exande. Baxua painta exanaename poxonae caemonae juntema pajinompame, xua caemonae nantiya pana naantobem. Matautano baxua painta exanaename poxonae xua caemonae nanta jupaya pana nabaru nanta xeiname yawano poxonae nanta jupaya ichipaeya paexaname.

³ Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peaebi coyene. Jame maisa painya coutha pana nayabara nanta xeinare xua pomonae pecui pawí jiwi pam. Jame maisa sayano ichamonae pacui yabara nanta xeinare xua pepa peainya cuimonae xua beyacaincha paxam. ⁴ Jopa bewa panantaútsim painyamonae jiton pon saya ichichipa nawita xua saya meisa penata exanaewa pexanepanae coyene. Jame bewa muxuna bapon taexanae ichamonae pocotsiwa xua ichamonae tsita pexeinya coyenetsi. ⁵ Paxam beta pebaryaya pananta jupaya nanta xeinare icha Cristo Jesús ichi xua poxonae beta ba nanta xeina. Bapon bara iche:

⁶ Bapon Cristo peyacuiya jinaein Nacom. Bapon bequein barapara Nacom, daichitha bapon jopa pia coutha ichichipaeya daunweya botsiyo barapo coyenewa xua peyacuiya jupae jinaein icha Nacom ichi poxonae patopeica po cae pin nacuathe tsique.

⁷ Daichitha barapo coyene naitematsiya cuenta pona.

Bapon Cristo be jiton yacuiya naexana po cae pin nacuathe tsique xua Nacom amanaya petanacuichinexatsi xua pia coya pe-ichichipaexae.

⁸ Poxonae bapon naexana po cae pin nacuathe tsique bara yatsicaya be jiton coyene. Bapoxonae pia coutha nacana exana be pon peacopeibin xua jopa peainya cui jitonyo.

Bapon exana pocotsiwa Nacom itoroba poxonae jejei xua tupa pecana exanaewatsi ichamonaе, bequein barapo petupaewa bichocono pin ura exanatsi xua tupa naetotha.

⁹ Daxota Nacom, Cristo bichocono baru cui itura jinatsi poxonae Nacom athabe juinya exana xua Cristo athabe juinya exanatsi.

Matautano Nacom baru cui itura jina, Cristo baru cui itura jinatsi poxonae Nacom bapontha wun duta, po wun xua jei: “Pepa Pecanamataxeinaein”, jei.

Barapo wuntha Jesús copatatsi xua bara pecanamataxeinaenexa pia peayapusu itorobi coyenewatha daxita carepaya jiwi, matatsunpi-withano.

¹⁰ Nacom barapo wun cata xua daxota daxita jiwi poxonae jume taena barapo wun pentabocotontha umenaena, xua Jesús wunae pejainchinexa tsainchi,

pepa Pecanamataxeinaeinxae itabocopiwi, iruru po irathepiwi, iruru pomonaе jinompa ira bururana wetsina.

¹¹ Daxita barapomonaе Nacom wunae jainchinchi pon Nacom, Waxa, jei tsane: “Maisa, Nacom paca baru cui itura jinatsi, tsipei bapon Jesucristo bara yatsicaya pon pepa Pecanamataxeinaein jiwi”, jei tsane daxita barapomonaе.

Meje yabara xua ichamonaе, Nacom pejume cowantsiwi beta cui yaputainchi

¹² Tamonaе pam paxam pomonaе bichocono tapaca caantobewichi pam. Tsipei bayatha

pana nejume cowanteibame pocotsiwa paca itorobeibatsi poxonaе paca baru ecatsi, daxota anoxuae nama bichocono pana nejume cowande beyacaincha xua poxonaе imoxoyo paca baru ecatsi bequein taju ecan. Awiya cataunxuae carepaya daxita paxam barompaya paexana dubenanaebiyama pocotsiwa xanepana xua pocotsiwa Nacom ichichipa xua Nacom painya nepaca capanepaexae. Pana najuntu coyene aura exande xua jopa paatsacande. Yawano pana najuntu coyene junuwa exande Nacomtha, abe painya neexanaeyainwa. ¹³ Bapon Nacom paca cana juntu coyene yawena xua painya juntu coyene, jume baru jejei pocotsiwa Nacom paca itoroba. Matautano Nacom paca yawena xua painya neexanaewam pocotsiwa Nacom ichichipa.

¹⁴ Daxita coyenewan poxonaе paexaneibame jopa paexanaeinde pocotsiwa anaya painya juntu coyenewatha payabara paebame ichamonae. Matautano jopa payabara najume matsontsonobinde baxua poxonaе Nacom pata exaneibame. ¹⁵ Bapoxonaе poxonaе jiwi paca cui taena, barapo jiwi jopa abeya paca cui yabara paebi tsane xua painya nenatsicuentsiwa xua abe painya neexanaexae. Matautano paca cui taena xua jopa ajuntucoyenebeya pajinompam. Jame maisa painompare be Nacom piamonae tatsi coyeneya. Matauta jopa abe paexanaeinde xua icha pomonae anoxuae paca baru jinompa pomonae pemuxuitorobiwi xua pomonae peantuairuyapubewi xua poxonaе abe exana dubenanaebiya. Icha paxam beta pajinompame

barapomonaē peit̃tha tatsi, bara paca tane xua bara beta pajinompame bequein abe peexanaē jiwī nataetha, icha be pocotsi j̃ta coyeneya ichi xua opitei ba poton pentha tsurubenaē poxonaē quirei tsuncuaē, bara ba jiwī tane barapo opiteiton bequein quirei tsuncuaē taetha. ¹⁶ Daunweya pajume cow̃nta dubenanaebiyama po diwesi jiwī aj̃nt̃yap̃us̃ exanatsi. Daxota poxonaē Cristo patopaetsica bichocono paca weyataeinchi taj̃nt̃ coyenewatha beta xaniwaichiya painya nejinompaexae Nacom nexa. Bapoxonaē yaputaein xua xaniwaicha bara beta paca yawenatsi xua painya nejume cow̃ntsiwam. ¹⁷ Bequein metha jiwī nebexubina xua tapaca cayawenaexaetsi, xua painya nejume cow̃ntsinexa, daichitha awiya j̃nt̃ coyene weiweinan, ir̃ paxam paca cayawa j̃nt̃ coyene weiweinaeinchi. ¹⁸ Daxota paxam bewa pana nebar̃ j̃nt̃ coyene weiweinaename, bequein t̃p̃aein xua tapaca cayawenaexaetsi xua painya nejume cow̃ntsinexa.

Meje Timoteo yabara ir̃ xua Epafrodito yabara

¹⁹ Icha Jesús pon jiwī Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonaē j̃nt̃ coyene weiweinaein xua poxonaē paca yabara jume taeinchi xua netsipaebina Timoteo. ²⁰ Tsipei ich̃n ajibi pon paca siwa yabara nanta xeina icha xan ichin. Saya meisa bapon Timoteo bichocono paca siwa yabara nanta xeina xua beta painya nejinompae coyenewa icha xan ichin xua bichocono paca siwa yabara nanta xeinatsi.

²¹ Ichamonae saya itapetsiya yabara nanta xeineiba barompaya pia peexanae coyenewan. Barapomonae jopa nanta xeinaeyo xua pocotsiwa Jesucristo pia petaexanaewatsi coyenewan tatsi.

²² Paxam pataneme xua Timoteo neyawena xua pecueicueijiwa Nacom Pejume Diwesi, icha be coxiyuan ichichi xua poxonae pexanto yawenatsi.

²³ Xua poxonae yaputaein xua ichamonae necana exanaena, bapoxonae beitorobin Timoteo xua pia paca necataenexa. ²⁴ Jume cowuntan pon jiwi Pecanamataxeinaein xua necopata xua iru methaunxuae paca siwa ponaeinchi.

²⁵ Matautano nanta xeinan xua bewa pacata itorobinchi Epafrodito, pon be taeweicho tatsicotaein, iru pejume cowantsixae Jesús, pon taneyawenaein xua cueicueijan Nacom Pejume Diwesi. Bapon jume daunweya pacuidubanbe poxonae bequein ichamonae abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan. ²⁶ Maisa bichocono bapon bepaca taena daxita paxam.

Bapon bichocono juntu coyene wecoyei tsipei pinae paxam payabara nanta xeiname, pinae pajam: “Maisa bichocono Epafrodito nacata atene tsocuae”, pinae pajam. ²⁷ Bara xainyei,

bapon bayatha bichocono atene bara muxu petapae. Daichitha Nacom nantanuweya yabara nanta xeina xua Epafrodito axaibi peexanaewa tsainchi. Matautano Nacom iru nantanuweya neyabara nanta xeina xua jopa bichocono tajuntu coyene wecoyeiwa tsane icha bapon petapaexae tsipae, xua beyacaincha juntu coyene

wecoyan poxonae xua copiya, xua poxonae saya atene. ²⁸ Daxota bichocono ichichipan xua bapon nainya pacata itorobinchi. Bapoxonae pajuntũ coyene weiweinaename xua equeicha painya netaexae tsane bapon. Mataũtano bapon itorobin xua jopa tapaca yabara juntũ coyene wecoyeinexatsi. ²⁹ Moya bara bichocono pantenta juntũ coyene weiweinaeya jacobare Epafrodito xua pepatopaexae, pon jiwi Pecanamataxeinaein peitorobixae. Epafrodito beta pabarũ cui itura jinare. Bara paichinde ichamonaetha, pabarũ cui itura jinare pocotsimonae icha bapon ichi. ³⁰ Bapon bara muxu pebexubichi xua Cristo petanacuichixaetsi. Bapon penapepeichiwatha naexana, inta pewetsinexa pocotsiwa xua jopa paca itacũpaeyo xua painta exaname.

3

Meje yabara xua po coyene pepa pejuntũ coyene xanepanaewa

¹ Tamonae pam, pomonae irũ painya nejume cowantsixae Jesús, pajuntũ coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha jũpa matowa tapacata tinaewatsi pocotsiwa bayatha pacata tinatsi. Bara apara baxua paca yawena xua beta painya netsita jinompaenexa Nacom. ² Dota pam pomonae peantũcoyenebe jiwi yawano xua abe peexanaewi. Mataũta dota pam pomonae judiomonae pia cui coyeneyatha tatsi paca itoroba xua painya nenawi thabiwam po coyene xua pawĩ thabame pebiwi xua ichaxota nareixacaena.

Barapomonaē nanta xeina xua icha baxua exanaena Nacom capanenebiya exanaena.

³ Waxainchi xaniwaicha barapomonaetsi pomonaē yatsicaewa Nacom watsita jũntũ coyene xanepanaewichi, tsipei Nacom pia Pejumope tũnaxũ tatsi naca yawena xua jume cowũntatsi watanacuichinexa Nacom. Mataũtano wajume cowũntsixae Cristo Jesús, daxota bapontha wũnae jaintatsi pia wanacata exanaexae. Waxainchi jopa nanta xeinaetsi xua poxonaē ichamonae naca wi thaba, barapo coyene naca jũntũ coyene xanepana exana Nacomtha.

⁴ Icha pebiwi itacũpaetsipatsi xua jume cowũnta xua pia coutha nacapanenebiya, barapoxonaē irũ xan neitacũpaetsipa xua jume cowũntan xua tacoutha tanacapanepaewa beyacaincha xua barapo pebiwi. Ichitha pebiwi irũ xan, jopa pana neitacũpaeyo xua pana nacapanenebiyan pata coutha.

⁵ Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonaē naexanan ocho po matabitha newi thaba. Mataũtano xan bara israelmonae pia saineiwi jiwanan. Mataũtano Benjamín piamonaē tatsi jiwanan tsipei pia pemomoxi susato jiwi jiwana-pin tatsin. Mataũtano yacuiya naexanan xua hebreo jume tacueicueijejewa, taxa irũ taena hebreo jume pepaebiwixae. Mataũtano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba.

⁶ Bichocono jume cowũntan pocotsiwan fariseomonaē pia pecuidubi coyenewan tatsi.

Daxota abe exanan pomonaetha pomonae Jesús pejume cowantsiwichi. Tsipei daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa jantꞤ coyene xanepanan Nacomtha xua jopa xeinaeinoyo tanatsicuentsiwa xua abe taexanae coyenewa. ⁷ Daxita po coyenein xua bayatha inta netsita ainya cui, porucae jopa daichiyo. Anoxuae netsita acoyenebe barapo coyenein, tajume cowantsinexa Cristo. ⁸ Matautano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta wnae bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijeixae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwi xuba pocotsiwa abe. Po coyenein xua copitha xeinan barapo coyenein pentan tanantauntsinexa Cristo pon Tanecanamataxeinaein. ⁹ Ichichipan xua be caein naexanan Cristotha xua tajantꞤ coyene Nacom petsita xanepanaenexatsi bapon pia tana necana exanaexae barapo coyene. Barapo coyene necana exana Nacom, jopa poxoruyo xua tajume cowantsixae Moisés pia peitorobi coyenewa xua daxota tajantꞤ coyene xanepana Nacomtha. Jame barapo coyene necana exana Nacom xua be caein naexanan Cristotha, poxonae jume cowantan, poxoru Nacom tanecatsixae pejantꞤ coyene xanepanaewa. Barapocotsi coyenewa ba Nacom cata jiwitha pomonaetha pomonae pejume

cowantsiwixaetsi. ¹⁰ Pocotsiwa taichichipaewa baraxua xua apara jame tayaputaewa Cristo. Matautano be yaputaein peayapusu itorobiwa, po peayapusu itorobi coyenewatha Jesús asu exainchi barapo petupae cuiru coyene weya. Bequein ichamonaе atene neexanaena, icha Cristo ichichi xua poxonae atene exanatsi ichamonaе, daichitha awiya cataunxuae ichichipan xua taexanaewa pocotsiwa xua Nacom ichichipa. Poxonae Jesús tsitupa jiwі, barapara exana pocotsiwa Nacom ichichipa, jopa exanaeyo xua pocotsiwa bapon pia coutha ichichipa. Xan bara juta ichiya ichichipa exanan xua pocotsiwa Nacom ichichipa. ¹¹ Yawano ichichipan xua baxuan exanaein beya poxonae Nacom asu neexanaena po mataqueitha Nacom asu exanaena petupae cuiru coyene weya pomonaе iru pejume cowantsiwixaetsi.

Meje yabara xua po pentoma Nacom pia wanaca catsiwa, junteма beta waexanaexae

¹² Jopa paebinyo xua xeinan barapo coyene, po coyeneyatha xua Nacom asu neexana petupae cuiru coyene weya. Matautano jopa paebinyo xua Nacom bayatha xaniwaicha juntu coyene xanepana neexana xua jopa daxota abe taexanaewa. Daichitha awiya yabara nacuichiya exana ducuaenaebiyān xua taxeinaenexa barapo coyenewa tsipei Cristo Jesús copiya neexana be piamonaе jiton tatsin. ¹³ Tamonaе pam, pomonaе iru painya nejume cowantsixae Jesús, paca tsipae-batsi xua jopa cataunxuae baxua wetsinyo xua tajuntu coyene bara xaniwaicha bayatha nejuntu

coyene xanepana exana xua jopa xeinaeyo peabe coyenewiyo. Ichitha bara saya cae coyene exanan. Juntemainan xua pocotsiwan bayatha exanan, saya meisa bichocono yabara nacuitan pocotsiwa bexa tsane xeinaein. ¹⁴ Bichocono ajuntayapusa exana ducuaenaebiyān xua pocotsiwa Nacom ichichipa, beya taxeiānaxa po pentoma pocotsiwa Nacom naca catsina poxonae naca wabina pia naca beicha caemonae wayawa jinompaxae Cristo Jesús.

¹⁵ Daxita waxainchi, pomonaetsi xua bayatha beta yabara yaputaetaepoinchi wajume cowantsiwa Nacom, waxainchi bewa yabara nanta xeinaetsi po coyene xua waxainchi cataunxuae abū jopa xeinaetsi po juntu coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxonae Nacom yabara paca yaputane exanaena baxua. ¹⁶ Daichitha waxainchi bewa awiya jume cowanta dubenanaebiyaetsi pocotsiwa bayatha Nacom naca yaputane exana.

¹⁷ Tamonae pam, pomonae irū painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxonae pomonae xua jinompa xua poxonae exanapona, icha pocotsi coyeneya paichin poxonae paca cuidubatsi. ¹⁸ Bayatha matowa paca tsipaebatsi. Anoxuae equeicha paca tsipaebatsi, beya nama wecoyeya paca tsipaebatsi. Paca jeichi: “Pinmonae jinompa pomonae aichaxaibi po diwesi po coyene

xua Cristo naetotha tsitupa jiwa”, paca jeichi.
¹⁹ Nacom barapomonaē weraweraca exanaena. Barapomonaē saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo pexaewa yabara. Barapomonaē yabara atsaca pocotsi coyene bequein barapomonaē bewa ita aura tsane baxua. Daichitha barapomonaē jopa yabara ita auriyo baxua. Saya barapomonaē yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa. ²⁰ Ichitha nama waxainchi Nacom pia nacia tatsipiwichi. Anoxuae waxainchi ewatatsi xua patopaetsica itaboco wetsica pon jiwa Pecapanenebiyaein, pon jiwa Pecanamataxeinaein, bapon Jesucristo.
²¹ Wapepon, po pepon jopa wunaetsi, po pepon atene yawa xua tupaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peitupanae coicha, xua po pia pepon tatsi jopa ateneyo, yawa xua jopa tupaeyo. Baxuan Cristo nacata exanaena pia peayapusu itorobi coyenewatha, po peayapusu itorobi coyenewatha itacupatsi xua daxita pecanamataxeinaewa.

4

Meje yabara xua Pablo jei: “Ataya pajantu coyene weiweineibare pon jiwa Pecanamataxeinaeintha”, jei

1 Tamonae pam, pomonae iru painya nejume cowantsixae Cristo Jesús, paxam pomonae bichocono tapaca caantobewichi pam. Bichocono ichichipan xua tapaca cataewa tsainchi. Paxam pomonae bichocono pana nejuntu coyene weiweina exaname. Matautano paxam pomonae Nacom necata painya nejume cowantsinexa Jesustha xua be tana nematomatsiwa, xua neyaputane exana xua bara exanan pocotsiwa xanepana poxonae tanacuitan bapon. Tamonae pam, paxam pomonae tapaca caantobewichi pam. Awiya beta pajume cowanta dubenanaebiyama pon jiwi Pecanamataxeinaein.

2 Itoroban powa pewun Evodia, ichawayono xua powa pewun Síntique xua barapowayobe equeicha penaita coxonaenexabe xua be yatsicaewa caemonae jitowayo penaexanaenexabe pon jiwi Pecanamataxeinaein piamonae jitowayobexae tatsi. ³ Xam ponxaem yatsicaewa tanebaru nacuichim Nacom Pejume Diwesi, caitorobatsi xua barapowayobe neyawenaenexa tsane. Barapowayobe bayatha neyawenabe poxonae cueicueijan Nacom pia pecapanenebiyae diwesi. Barapoxonae barapowayobe, iru Clemente iru ichamonaeno daxita barapomonae daunweya nebaru nacuita. Daxita barapomonae wun dubatsi diborotha po diborotha xua Nacom capanenebiya tsaibi jiwi xua jiwi pecatsibeibinexatsi peajuntu yapusawa poxonae wun dubeiba barapo diborotha, xua Nacom pia diboro tatsi.

⁴ Paca jeichi: “Ataya patsita juntu coyene wei-

weineibare pon jiwi Pecanamataxeinaein”, paca jeichi. Equeicha paca jeichi: “Ataya patsita jũntũ coyene weiweineibare”, paca jeichi. ⁵ Barabũ beta pajinompaname xua daxita jiwi painya pia paca yabara yaputaenexa xua bara paxam pomonae pejantũ coyene xanepanaewi pam, tsipei imoxoyo patopaetsica pon jiwi Pecanamataxeinaein.

⁶ Jopa payabara nanta xeinaeinde nawita pocotsiwa ba paca jũntũ deideijeji exana. Jame maisa Nacom patsipaebeibare daxita coyenein yabara. Nacom yabara pawũqueibare daxita coyenein. Mataũtano payabara jacobebare Nacom poxonae pocotsiwan paca catsibeiba pocotsiwan xua panantawenoname.

⁷ Barapoxonae Nacom paca jũntũ coyene jũntemiya jinompa exanaena. Barapo jũntemiya jinompae coyenewa jiwi ba jopa yabara yaputaeyo, tsipei bichocono pexeinya coyenewa. Barapo jũntemiya jinompae coyenewa paca jũntũ coyene eenaena. Mataũtano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaexae Cristo Jesús.

Meje yabara poxonae Pablo jei: “Payabara nanta xeinare daxitan pocotsiwan xua wũnae”, jei

⁸ Tamonae pam, pomonae irũ painya nejume cowantsixae Jesús, paca tsipaebatsi nama anoxuae pocotsiwa xua tabũ ducua paca tsipaebatsi pocotsiwa xua nama wetan. Payabara nanta xeinare daxitan meje xuaje po coyenein: po coyenein xua pexainyeiwan, mataũtano po coyenein xua jiwi yabara nanta xeina xua

peξανepanaewan, matautano po coyenein xua xaniwaichiya pecana exanaewan, matautano po coyenein xua Nacom petsita exanaewatsi pexeinya jıntı coyenein, matautano xua po coyenein pexeinya peitıpanae coyenewan, matautano po coyenein xua jiwi peyabara baru cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, matautano daxita po coyenein jiwi bewa wınae jainchina xua barapo coyenein peξανepanaexae.

⁹ Paexanaponde po coyene xua paca cuidubatsi xua daxota panejume jejam. Paexanaponde po coyene xua panejume taneme xua cueicueijan. Matautano paexanaponde po coyene xua pana necui taneme xua exanan. Bara baxuan paexanaponde baroxonae Nacom pon peyawa jinaein jıntema peporonae jıntı coyenewa, bara bapon paca yawa poponaena.

Meje yabara paratixi po paratixi jiwi cata Pablo nexa

¹⁰ Tsita jıntı coyene weiweinan pon jiwi Pecanamataxeinaein xua matapainya equeicha tapana neyabara nanta xeinaewam. Bayatha bequein pana neyabara nanta xeiname, daichitha jopa paca itacıpaeyo xua tapana neyawenaenexam. ¹¹ Jopa paca tsipaebichi xua ichawa yabara pocotsiwa tanantawenonaewa, tsipei bayatha tacoutha yabara nacuiduban xua jıntema taponaewa pocotsiwa xua xeinan bequein inta acoibi ichawa. ¹² Yaputan xua beta poponan poxonae bequein be pon taacopeibin. Matautano yaputan xua

beta poponan poxonaē nawita taxeinain. Bayatha nacuiduban xua j̄ntema tapoponaē coyewanexa tsane bequein tonsanan, yawano bequein ichacuitha jainpeiban. Nacuiduban xua j̄ntema tapoponaē coyewanexa tsane bara bequein xeineiban beyacaincha pocotsiwa tanantawenonaewa, yawano ichacuitha bequein inta aibi pocotsiwa xua tanantawenonaewa. ¹³ Neitacupa xua daxita taexanaewa tsipei Cristo necata pia peant̄yapusa_uwa. ¹⁴ Daichitha paxam bichocono w̄nae painta exaname poxonaē pana neyawename tapana nesiwamxae poxonaē ichamonae jopa xanepanaya necana exanaeyo.

¹⁵ Paxam Filipos tomarapiwi pam, payaputaneme poxonaē copiya tamropata pitaban xua cueicueijan Nacom Pejume Diwesi, barapoxonaē meisa paxam paratixi pana necataponame poxonaē Macedonia nacua weya ponan. Icha tomarapiwi pomonaē pejume cow̄ntsiwi jopa necatsiyo paratixi. Barapo paratixi pana necataponame be pentoma painta exaname yabara tapana netsipaebinexam po coyene xua tapaca cayawenaewatsi painya nejume cow̄ntsiwanexa Nacom. ¹⁶ Poxonaē cataunxuae Tesalónica tomaratha poponan, paxam painta itorobame paratixi. Bapoxonaē equeicha cotacaya painta itorobame icha paratixi xua tacana nantawenonaenexa. ¹⁷ Paca tsipaebatsi baxua jopa poxoruyo xua saya taichichipaexae equeicha xua tapanecatsiwam tsane icha paratixi. Jame apara poxoru ichichipan xua paxam bexa paxeinaename po pentoma xua Nacom paca catsina tapana neyawenaemxaem.

18 Bayatha matowa pana necatame beyacaincha pocotsiwa xua nantawenonan. Pocotsi paratixi painta itorobame xua inta capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonae bichocono ichichipa po petuxusi tuxueiwa jiwi tuxusi exana Nacom nexa, yawa xua poxonae po duwei petautsiwa xua tuxusi exana Nacom nexa. Barapo pecana exanae coyenewabe Nacom tsita coyene xanepanatsi, yawa jũntũ coyene weiweina exanatsi. 19 Tanacom daxita paca catsina pocotsiwa xua panantawenoname, tsipei bapon bichocono copei pexeinaein pocotsiwa xua bichocono peitũpanaewa. Paca catsina baxua painya neyawa jinompaexae Cristo Jesús. 20 ¡Barabũ jiwi, Nacom pon Waxa, ataya wũnae jainchinchí! Je, bara ichi tsane.

Meje yabara xua Pablo najume weta barapo carte

21 Painta jacobare pomonae baxotiya jinompa pomonae Jesucristo pejume cowũntsiwichi pomonae yatsicaewa Nacom piamonae tatsi. Irũ pomonae nebarũ jinompa xote pomonae xua irũ pejume cowũntsiwichi Cristo Jesús, barapomonae paca jacoba. 22 Irũrũ daxita pomonae Jesús pejume cowũntsiwichi pomonae yatsicaewa Nacom piamonae tatsi, pomonae po tomarathepiwi, barapomonae paca jacobarũ. Irũrũ paca jacoba pomonae romanomonae itorobiya pia pepa peewatsinchi pia botha tatsi

tanacuitatsi. Barapomonae bichocono paca
jacobae, beyacaincha ichamonae poxonae paca
jacobae.

²³ Barabũ Jesucristo, pon Wanacanamatax-
einaein, daxita paxam paca jũntũ coyene
yawenaena pia paca necaantobexae.

Baja Pablo.

**Nacom Pejume Diwesi po diwesi pena jume
diwesi xua Jesucristo yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 29 Jan 2022
e9c4c3a0-6dec-54a4-aaba-fb395e5eddc7